









*IV. A Further and more Exact Account of the same, sent in a Letter from Father Camelli, to Mr. John Ray, and Mr. James Petiver, Fellows of the Royal Society.*

*De Igasur, seu Nuce Vomica legitima Serapionis.*

Catolongay quam alii Cantarà vocant : est Nuces Vomicas legitimas Serapionis ferens planta, quæ arbores quasvis altissimas sese involvendo scandit : Truncus lignosus, levis, porosus, & brachialis quandoque crassitudinis, corticisque scabri, crassi, et cinerei : Folia ampla, nervosa, amara, Folio fermè similia : Florem Balaustræ similem fructus in sequitur Melone major, qui delicatissima cuticula quæ splendens, lœvis, et viroris lustrali, ceu Alabastrini coopertus, subter quam alias cortex delitescit substantiæ quasi lapidescentis. In hoc, carne amaricante, flavâ, & molli, qualis est caro fructus Mangæ, interjectâ, nostræ, seu legitimæ Serapionis Nuces Vomicæ, quæ recentes ab argentea lanugine splendicant, juglandinis vix non pares, inæquales, variæqué formæ, non raro quatuor, & viginti coarctantur ; quas Indus Igasur, & Mananaog, id est, Victoriosas, Hyspanus Nucleos, s. pepitas de Bysayas, aut Catbalogan, alii Fabas Sanct. Ignatii vocant. Hæ resiccatæ avellarâ nuce cum putamine pares, aut etiam paulò majores, nodosæ, durissimæ, diaphagnæ, & quasi corneæ substantiæ sunt, saporis semine citri multò intensius amari, coloris autem inter album, & glaucum, prout & Serapio tradidit.

Multi nescio quo oraculo edocti, Nucem Igasur reticulæ fructus Salag salag immittunt, ex collo suspensum gerunt, & ita ab omni veneno, peste, contagio, incantationibus magicis, Philtris, & specialiter à sopto, seu veneno, quod solummodo insufflatum perimere narrant, imò & ab ipso dæmone se liberos, ac immunes esse imaginantur.

Quod Ch. Miralles in suis collectaneis affirmat scribens non tantum virtutem habere depellendi corporis morbos, sed & malignis spiritibus speciali quadam oppositione resistendi ; Magos etenim Barangas dictos ad præsentiam hujus nucis inquietari, conturbari, & sudore suffundi ac si in nescio quo arduo negotio, angustiis, periculisque pleno versarentur. Quòd experientia didicisse, insuper, &c. id ipsum sibi alios fide dignos visos affirmasse addit. Unde pactum cum dæmone habere dictos Barangas, seu maleficos herbarios suspicatur, præsertim cum rumor ferat hosce impios medicos, si in simplicium cognitione erudiri velint, consanguineorum proximum interimere obligari.

Alii à jam dicto sopto, seu toxicí insufflamine quo malevoli Indi passim quos male cupiunt perimunt, Alexium Lopez in Guiguan, & Petrum Oriol, præter alios hacce nuce præmunitos, servatos fuisse ferunt. Sumunt autem, uti Vulgus narrat supradiicti Herbarii eis familiaria et nota Aconita, quæ faucium latere uno recondunt, buccā alterā verò contrayerbas, prouti hujates loquuntur, id est, antidota, nè videlicet sibimet ipsis mortem masticent : his ita ore detentis arte, & dexteritate diabolicā sibi contrarios, & infensos viperarum more intoxicate halitu impetunt, quo perculsi, ac perplexi mox humi prosternuntur, & animam agerent, nisi eis jam experto remedio hacce scilicet nuce operi ferant. Adidunt si quis hanc nucem secum portarit, ipsum qui similibus deleteriis buccellis alterum interficere attentaverat

penas confessim luere Talionis, uti Indus qui, Alexium Lopez inter factas amicitias, de medio tollere cupiens, casualiter hanc nucem secum habentem expertus fuit: quâ occasione primùm Hispanis innotuit Igasur virtus, & efficacia. Quomodo autem naturaliter ut non nulli volunt, Igasur virtutem toxicí, in distans agendo repellet, judicent alii.

Pulveris Igasur 9j. quondam Vincentio Olzinæ temperamenti melancholici prædicto ad vomitum ciendum propinavi: Hic dyspepsia, diarrhæa, & frequenti vomitu, cum ructibus acidis, nec non flatuum copia molestabatur; sed statim ac sumpsisset tremore totius corporis trium horarum spatio persistente, unâ cum pruritu, & vellicationibus convulsivis horrendis ut pedibus infistere nequiverit, quæ in maxillis vehementiores erant, ac magis molestæ, ita ut quodammodo ridere cogeretur: corruptus fuit. Nulla interim notabili pulsus alteratione, Vomitum, aut alio quopiam in sequente symptomate. De reliquo dein non nihilum melius sensit.

Similem tremorem, & convulsiones spasmodicas quas V. Olzina expertus fuit, sensit, & passus est Johannes Osaëta, unâ cum summa præcordiorum angustia, vertigine, animi deliquio, & sudoribus frigidissimis. Hic Melancholico-Hypochondriacus sanitatis cupidus nucem recentem integrum devoraverat. Cui oximel, & oleum cum tepida exhibendo, quo plurimum viscosi phlegmatis cum nucis particulis rejicit, opem tuli.

Joachimus Assin Nucis sumperat partem tertiam & simili modo ut V. Olzina, & Johannes Osaeta ultra tres horas affectus fuit. Hic præter motus contractivos, & involuntarios, formicationis sensum, & specialiter in capite expertus fuit. Similes denique pœnas, A. Varaona, A. Girau, & alii luere.

Vulgus autem Nucem Igasur, ad cunctâ absolutê corporis humani mala amovenda, nullâ habitâ temporis, morbi, ætatis, aut dosis ratione indifferenter exhibit, & adhibet, miraculosoque inde subsequutos effectus narrat, narrat videlicet magnificiendo suam Panacæam, & deprædicat successus bonos, reticens insaustos: Nec dubium quin aliquando, à tam vehementi spirituum animalium irritatione, ac alteratione humorum ab hac nuce causatâ, hæterogenea, ac incongrua una cum tam infesti medicamenti particulis eliminantur, quibus rejectis, humoribusque crassi meliori restitutis, sanitas optata subsequatur.

Qua ratione virtute polleat, & repellendi, & allicendi uti vulgus opinatur, nunc scilicet sanguinem de vulneribus profluentem sistendo, nunc Lapidis colubrini instar, venenum è viperarum, aut etiam aliorum venenum vibrantium animalium morsibus, uti è vulneribus telis intoxicatis inflictis proliiendo: ignoro.

Nucis Igasur denique vires, & virtutes, non propriâ experientiâ, sed relatione acquisitas, nec non de variis Indorum, aliorumve curiosorum, & observationibus, & adnotationibus excerptas, ac collectas, amicè quondam à Dominico Conzales rogatus in formam digesii sequentem.

Modus ordinarius, & communis utendi Nuce Igasur est, imponendo eam integrum tantillo aquæ calidæ, spatio donec amara reddatur, exhibendo dein dictam infusionem. Alii pulveris modicum in substantia propinuant. Alii unam, alteramve offerunt deglutiendam frustulam. Alii nucem integrum Amuleti ritu de collo suspensam gerunt.

Vomitum pluries causare solet, dejectiones nonnunquam, motus spasmodico-convulsivos fermè semper in Hispanis, Indis non. In Veneni periculo, & spirituum inordinate tumultuantium conflitu, posthabitâ temporis

ratione usurpanda erit : In aliis accidentibus, aut morbis jejuno ventriculo in aurora, attamen vomitus ciendi gratia convenientius unam alterave post assumptum cibum hora dosi s. cum aliis levioribus vomitum cibentibus exhibebitur.

Qui nucem integrum secum portarint, affirmant multi (fides sit penes authores) praeservare a Peste, incantationibus magicis, philtiris, sopro, seu herbarum venenatarum afflatu, aeris praeterea nescio quo ut volunt contagio, Hispanis Malaire, & pasmo, id est, stupore, Indis Sautan (a quo similiter praeservare ferunt corallium nigrum, Ungulam Rhinocerotis, Dumbagam, Ingo, & Testudinis scutum :) Catalepsos attamen species potius esse videtur, eo etenim correpti terrore veluti panicu percussi corruunt, sensibus & voce privati obstruunt, mortuisve saepius similes obrigescunt : Revulsoria vero, & crudeli muscularum in tibiis, ac brachiis flagellatione, quam sanguis inibi aggestus dein scarificatiōnibus elicuntur, revocantur, & curantur.

Nucis frustulum, aut fragmentum (aut rasuræ modicum) Viperæ, Basul, est Eruca pilosa, atque nociferæ, ad tactum vehementem pruriginem causantis species, aut aliorum venenatorum animalium morsui, vulneri sagittâ, vel alio intoxicato telo facto ad impositum, venenum apidis Culebrini instar adhaerendo extrahere communicauit F. de la Zarza. Alii in haemorrhagia narium, & ad sanguinem e vulneribus proflucentem fistendum, pulverem recommendant.

In Malviento, Malaire, Soutan, & pasmo, Catalepsos species est, stupore, Apoplexia, Paralyse, sive syderatione, lethargo, Epilepsia, Morbo caduco, astmate, & catharro maligno, ac suffocante, dentium dolore, & aliis defluxionibus frustellum supponitur linguæ apophlegmatizandi gratia, ita enim caput a copia viscosi phlegmatis liberatum, ægri pluries levamen percipiunt, & saepius

sæpius jamjam agonizantes, ut ita dicam resuscitentur, & aut confiteri, aut alia quæ pro tunc convenient declarare valent.

Pulverem, aut infusum, aut oleum infra descriptum propinant, & dilaudant in febri tertiana & quartana. Veneni periculo, aut supra : Supto, Buyasslo, est Buyo, seu Betele confessio mortifera (cum semine ut opinor stramonii, aut simili narcotico) quæ si assumpta non permit, hominem perplexum, attonitum, hebetem, stupidum, & torpidissimum reddit : Ab hujuscemodi confectione devorata, aut masticata, infra posito oleo curata fuisse scio, & Botete sardinæ nocivæ comedæ suspicio-ne.

Ad urinas item, menses, & Puerperia suppressa provocanda, partum difficilem facilitandum, secundnam, fætum mortuum & Lumbricos expellendos efficacem reperi.

In dolore colico præterea, cibi indigestione, cruditate ventriculi, & concoctione læsa, diarrhæa, Tenesmo, & obstructione Epatis, ac lienis, uti & in omnibus supra enumeratis morbis exhibent.

Oleum verò ex Igafur simpliciter infusione paratum, emeticum est efficacissimum, valet ad eadem ad quæ nux ipsa, hoc ad magi Barang præsentiam effervescente, & vase quo asservatur exilire vir retulit sive dignissimus. Idem & alii in suis scriptis affirmant.

Hoc Oleum alii efficacius reddere cupientes componunt : Ex Igafur, Tambal de Garigara, Tambal de Sangil, Tambal de Bornei, Salagsalag, Camaesa, Manungal, Alagao, Salibutbut, Tambalisay Marbar Molavin, Borogtongan, Palyacean Panambuc, Pancoro, Nola lasson, Bagatapon, Oringun, & aliis, vulgo jazeite de Tambal, à cortice sc. emetico Mananangtang appellatur, Violenter purgat per superiora, & inferiora, dosis ʒj. ʒij.

Lignum Sanctum Luzonis Quaiaco utiliter substituitur, de reliquo concoctionem adjuvat, & dejectam ciborum excitat appetitiam. N. B. Prægnantibus ex-hiberi non potest, quin abortum patiantur.

Lignum Colubrinum Manungal, decoctum ejus venenis omnibus, venenatorumque animalium morsibus succurrit, febrifugum est, & anti-astmaticum, obstructions inveteratas referans, & abjectam ciborum restaurans appetitiam: Idtero præterea, octo dierum spatio in aurora haustum medetur, lumbricos pellit, & colicos dolores mitigat. Decoctum ex 3ij. paratum, dejectiones ferme quinas causare solet.

Cortex Vomitorius Mananangtang, datur in pulvere à 3j. ad 3iv. pituitosa & lenta, nec non biliofa per vomitum, & secessum potenter evacuat, unde in febris, ventriculi repletione, aut ex humoris viscosi turgescentia, cachexia, & hydrope feliciter exhibetur. In omni veneni periculo c. decocto Manungal, & ad ventris lumbricos educendos plurimum facit, &c.

*The Figures of the Leaves, Flowers, &c. of this Plant are in the Table. Vide fig. 4, 5, & 6.*

